Vndt da/ ein solche gab/ von Gott/ mit danck/ erkant. Ach bild der Gottesfurcht/ der Himmel hat verliebet 30 Sich/ in ewr vnschuld selbst/ vns aber sehr betrübet Ach Gott/ ich sorge sehr/ daß/ weil ihr von uns scheid Werd herrschen über all itzt/ nur Gottlosigkeit. So manche gnad vnd gab/ damit ewr Seel geziret So manche Tugend werth/ die man an euch gespüret Hat einen Fürsten hoch erworben euch allein 35 Vnd mit ihm euch gemacht/ sein Hertz vnd Gut gemein. Ach/ diß Land weiß es wol/ ihr wist es noch viel mehre/ Die ihr wahrt seine lust/ seins Hertzens wuntsch vnd Ehre/ Dann/ ob auff diese stund ihm wol kein Gut gebricht/ Acht ers doch nicht/ wann er dabey euch sihet nicht. 40 Mit Leib vnd Seel vereint/ fast in fünffmahl sechs Jahren Habt ihr von seiner Lieb die hitz vnd trew / erfahren/ Lieb / ach/ die ihm nuhmehr sein leben sawer macht/ Nach dem ewr Aug bedeckt deß Todes schwartze Nacht: 45 Nach der betrübten Stund hat auß seim Aug gesehen Man Thrän: vnd Säuftzen nur auß seinem hertzen/ gehen/ Wann man sicht sein geberd vnd was vor klag er führ Merckt man/ das euch nur sey zufolgen/ sein begier. Vnd das den Himmel drümb er laß sein leid anhören/ 50 Der ihm auff dieser Welt sein freud hat thun zerstören Man sicht/ wie noch an euch zudencken immerdar Sein selbst/ O jammer/ er/ vergeß/ fast gantz vnd gar. O Tugendhafter Fürst/ wann Ehlich Lieb vnd Trewe Euch ewer liebste helfft macht suchen noch ohn schewe/ So last ewr Kinder lieb/ euch nicht sein minder werth 55 Die sie itzt selbst von euch mehr/ als vor nie/ begehrt/ Last vns/ vnd vnser Land daß Leid vnd klage führen Das itzt sein glück vnd Zier sein Ehre muß verlihren/ Das/ weil sie lebte noch stets gute hoffnung hat Vnd itzt in Thränen sich/ ob ihrem hintritt/ Badt. 60 Vns steht zu/ vnd gebührt hie Zähren außzugissen Weil wir itzt vnsers Guts nicht mögen mehr geniessen Vnd zu beschweren vns ob deß verhenknis neidt/ Das vns feindselig raubt/ mit ihr/ all vnser freud. 65 Vor ihren Haaren graw/ vns vnsre Fürsten nehmen/ Fürstin/ der all die Welt sich niemals hat durfft schemen/ Die selbst die Weißheit war vnd selbst die frömmigkeit

Das ist ja gar zu sträng vnd vnerträglich Leidt.
Weder die stralen hell ihr Tugend hochgeschetzet
Noch ihre gütigkeit/ die keinen ie verletzet/
Noch ihre Gottesfurcht ihrs gantzen lebens lauff

Han deß verhenknis schluß nicht können halten auff.